

畿輔通志卷二百五十一

列傳五十九

列女七

國朝一
固安

永清

大興

宛平

良鄉

國朝

順天府

馬瑞妻張氏歸瑞三年生二子夫遠遊姑歿張竭力營葬越二年傳聞瑞死或勸之嫁怒叱之囑族人攜二子尋其父卽

自經死

大清
一統志

陶門三節陶鸞妻覺氏年十八夫故截左耳誓不嫁撫孤瓚守節五十七年瓚妻李氏年二十五夫亡撫子守義剪髮矢志卒年七十八歲守義亦早卒婦王氏奉姑以守事之盡孝撫子承榮成立順治十三年并旌

同上

王行著妻宋氏

著被兵死氏年二十七屢遭凶荒撫孤守節五十餘年卒

王晉芳妻繖氏

年二十四撫孤守節癸巳歲饑周經邦妻陸氏苦志守節至八十三歲卒

子皆散亡氏以饑寒憂鬱死馬崇化妻李氏年二十三撫孤守節胡會侯妻劉氏顧凝命妻陶氏俱撫

孤守節終身孫時林妻湯氏戴明資妻裴氏章有吉妻謝氏姚某

妻王氏屈振英妻周氏鄭安民妻趙氏楊正熙妻孟氏王立

妻陳氏李履祥妻孔氏俱守節終身以上康熙志趙西母張氏滄州德成

三年城陷殉主難死滄城殉難錄

謹案以上節婦二十一人一統志康熙志皆未載明縣籍

謹因其舊弁於卷首

大興縣

陳正國妻狄氏正國明諸生甲申殉難遺孤甫三月氏撫之

成立苦節四十二年大清一統志兼採雍正志

金錄妻王氏明通政志舉女兵部主事鉉之弟婦也甲申都

城陷錄與母章赴井死氏撫夫屍哭幾絕隨亦投井家人救

之扶歸母家歷節以終

宛平縣志

謹案金錄妻王氏宛平志以錄爲宛平人考明史金鉉傳

鉉籍大興今謹據入

李國楨子婦鞏氏父永固尙光宗樂安公主爲駙馬都尉甲

申殉難氏亂後歸李南下夫亡有欲娶之者氏拒之曰吾先

帝之甥忠臣之女不卽殉者以姑在耳若欲脇我惟有死耳

卽勢面斷髮奉姑苦守完節以終

康熙志

謹案大興志鞏永固傳甲申流賊破京師時主已薨柩尙

在堂永固以黃繩繫所生二女於柩前縱火焚之自刎而

死據此則國楨子婦當不在此二女之列

張國彥妻許氏國彥順治戊戌武進士官陝西波羅營副將

康熙十四年滇黔之變調守興漢糧盡援絕城垂破國彥手

刃婢妾五人隨發火自刎氏先已自經子亦同時殉難事聞

并旌之廕襲世職

國史忠義傳

諸生施民望妻高氏年二十五夫亡子僅週歲氏抱子倚棺

五日泣血不食舅姑諭以撫孤大義乃茹貧苦守勤女紅易

粟以養以育皆盡職姑病籲天願代教子登武科歷節三十

餘年康熙九年旌

康熙志兼採宛平縣志

陳義明妻劉氏

大清一統志

有惡少吳大欲污之氏堅拒不從被

毆死康熙三十四年旌

雍正志

徐璋繼妻左氏年二十八夫亡家貧紡績以養翁姑守節四

十年康熙四十七年旌

大清一統志

黃華蕃妻吳氏性賢淑訓五子皆登科甲長叔琳官侍郎雍

正中入直

世宗問及其母隨徹御座木瓜盛以青龍瓷盤漬之薇露

諭曰以供爾母聞香并

御書德門壽母匾額賜之時氏年九十歲時人榮之

錢塘陳兆崙撰黃崑圃墓誌

孝女邵氏廣東崖州巡檢袁宗菴妻也女父樸以諸生任崖

州巡檢與嫡母章生母宜先後歿於崖女贊其夫袁至京遂

扶三喪歸葬焉

邵之旭撰南海扶輿記余從妹袁孺人者仲父之元女也仲父諱璞字崑涵京兆弟子員

康熙五十五年授粵東文昌縣巡檢繼調補崖州巡檢古珠崖地也凡莅官十有四年而罷雍正七年終於崖之私館始

仲父出都挈叔妣章孺人暨側室宣氏三子二女及僮御數人赴粵先是側室早亡是歲罷官後擬治裝北歸會叔妣即

世伯弟季弟相次夭折仲父遂搆疾不起既亟以命孺人輩日吾一官飄薄畢命遐荒沒有餘憾京師吾邱首也必以返

葬累爾曹矣當仲父之抱病也連遭諸喪一橐如洗藥餌漸隨之資蕭然無辦孺人悉傾所儲以供其乏至是復竭蹶以

充凶事姊弟三人煢煢託命蠻烟瘴雨滿目淒其每一叫號哀徹天地疋羸骨立弱不勝筭矣每念先人遺命日夕痛懷

遺孤眇藐載奔不易明年庚戌特囑仲弟泛海而北徒跣萬里冀獲匍匐之資助中間榜人失利幾至淪胥幸而獲免焉經年跋涉迄無所濟辛亥復至崖姊弟慰勞相慶已而相泣然仲弟亦竟以勞瘵卒矣悲夫孺人痛堂構之傾頽悲棣華之凋喪漂搖風雨危甚巢幕迢遞鄉關跡同泛梗睢陽之羅掘已盡步兵之途轍方窮嗟九京之不作誓一死之相赴於是苦心密畫捐軀者再乃若有物陰來相之竟得無恙豈非天哉重念旅殯在遠弱妹無歸勉爲支綴僅延喘息三旬九食茹苦含辛悉取辦於十指所居環堵不免震凌而閨範肅然國人欽焉崖州牧江都趙公聞而嘉之曰此故人之裔也嘉禮有待吾當主之會崖州巡檢袁君宗菴喪儻遂以仲妹歸焉納幣有日孺人相持飲泣曰吾兩人遭此百罹肌分骨散猶賴形影相依今燕羽差池寸心如割然所以忍不卽死者不敢忘先君彌留之命也妹歸矣幸與良人兔圖之矣比于歸後孺人間過從其妹輒理前語涕隨聲下不自知其衣之濡也僅一年而仲妹亦亡孺人自隨親渡海血屬僅僕且十餘人數年之內相隨殞歿至是隻立無一存者矣州牧素聞孺人賢意欲爲擇良配耦適袁君有仲妹之喪復爲之介而歸於正室嘗以不逮事舅姑爲恨而主中饋奉蒸嘗則又移其孝於袁氏之門踰年袁君投効浙東孺人以三喪未歸涕泣再拜力贊其事袁君亦義烈人也爲之感動遂改轍而北偕孺人奉我仲父叔妣暨所生母靈櫬啟行水陸交馳更歷寒暑素車丹旆歸於上京撰期卜宅俟之家老一時哭於客位弔於靈殯來者無不嘆息孝女而加哀焉 塵定軒集

羅懋官妻侯氏年二十三夫亡舅姑繼歿殯葬盡禮撫襁褓子至成立同時張升孫妻范氏妾王氏夫亡同心勵節孝事舅姑撫孤成立均以雍正三年旌

雍正志

葛士楫妻孫氏夫亡守節四十六年姑病侍湯藥衣不解帶宗族稱孝同時魯廷瑛妻甄氏年二十九守節事姑亦以孝稱撫孤子訓之有方又胡秉怡妻章氏年二十二守節事親育子艱苦備歷均以雍正三年旌

同上

厲日升女性至孝日升病篤醫藥罔效女禱於神刲左股和藥以進父疾爲愈時年十九歲後適陝西劉璜爲室事舅姑

以孝稱訓子元龍成進士

錢塘陳兆崙撰厲孺人傳咸甯進士劉元龍母孺人厲氏諱淑明直隸大興縣人父日日升母某氏由東鹿訓導遷浙江金華府經歷遂寄籍紹興家焉孺人歸陝西咸甯處士例封文林郎

日璜字昭度幼明慧端重博學能詩性刻苦有至行祇一子不少姑息力自課以至成名未及享祿養而終年纔五十有

一昭度君本生父曰起禧字純修母曰朱所嗣父曰起禮字恒夫母曰李孺人之歸所嗣翁姑已歿而所生皆在堂昭度之兄曰瑛純修公遠仕浙江之瑞安經再調海鹽署同知乍浦事瑛亦由江南上元令遷壽州府擢徐州知府署淮徐海道昭度君皆隨父兄在協理官事而故鄉支門戶者惟孺人是倚至今其子嘗述其致父書曰甘貧教子爲劉氏得賢後裔卽新婦所以報公也其他辛勤家政殆稱是焉純修公坐海鹽任內塘務考成報罷兼有公累逋錢累干僦居杭城久不得去孺人悉出其嫁時衣飾付質庫以償官純修公始得挈眷歸里先是孺人處室時日升公嘗邁劇疾諸方不效同母弟尙幼孺人夜禱於神封左股和藥以進數昏暈瀕於死而父疾得痊更享年一紀時方十有九歲其晚年以勞瘵終爲代夫兼治內外積勤所致而每逢溽暑陰寒舊瘡作痛見者莫不雪涕其幸而得至始衰之年者猶神佑也咸甯鄉先生爲之語曰有割股之女然後有償逋之婦有孝於父母尊章之婦然後有相夫教子成名之母是不可無傳贊曰孝哉劉母一字足概其生平矣進士於吾門有淵源一日持其母行狀欸門而謁請曰先母苦行丐先生文以傳焉進士誤矣按狀母夫人自足以傳豈仗僕也然僕不敢辭者冀拙文仗母行以傳耳進士又言先母有詩集若干卷臨終謂此婦人餘事向者以憂思聊自遣耳不足存悉取而焚之元龍爭救不得至今有餘痛焉進士又誤矣才名累也出自閨閣重累也且才名與孝行孰重不得已而無可傳或有時託乎此耳豈足貴哉桓少君屏其嫁時資送而挽鹿車曹大家賦藻

絕麗而垂女誠彼皆無與於孝直由用意近古而稱道弗衰
况其兼此之美而所難又遠過乎此者耶人有為蜂螫蚊嚼
而痛淚隨之者至於感親厄以分痛冒奇創以乞靈則嗤之
曰愚孝此文士達官所由希鯁直而務圓通可為長太息也
周之德妻劉氏年二十八之德卒氏絕飲食誓從死家人勸

之佯許諾乘間自縊柩前以殉雍正五年旌大清一統志
兼採雍正志

李逢陽妻姜氏逢陽官江西吉水丞之任留氏侍其姑未幾

逢陽墜水亡氏聞訃毀容守節坐卧一樓足跡不履外庭者

三十年雍正五年旌同上

徐元凱妻田氏早寡守節家貧甚事孀姑甘旨無缺厯守三

十五年同時王宏勲妻陳氏年二十守節事舅姑盡孝厯三

十餘年均於雍正五年旌雍正志

于融母陳氏名淑英字宜齊賢淑而慧工詩詞著有碧香閣

小草訓子融官訓導國朝閨
秀正始集

駱烜妻胡氏名慎儀字采齋號石蘭讀書工詞翰著有石蘭

詩鈔氏早寡子尋殤家益落乃受聘爲閨塾師歷節四十年

受業女弟子前後二十餘人皆以詩名

附慎儀嶺南道中詩五觀十三人難危仗

此身經年淚洗面百感痛傷神寒北無茅屋燕南有老親如何干樹雪不是昔時春

諸生馮烜妻胡氏名慎容字玉亭號卧雲慎儀妹也亦慧而

工詩著有紅鶴山莊詩鈔女思慧字睿之適侍郎劉秉恬爲

室能傳家學著有繡餘吟

思慧詠史詩云不渡江東爲報顏英雄落落出人寰氣消亭長空扛

鼎力奪儒生枉拔山一曲悲歌來楚帳八千壯士散秦關數年霸業歸何處應悔彭城衣錦還

俱同上

王蘭妻方氏年二十五夫亡守節孝事舅姑終身足跡不踰

閭同時孫蒞妻劉氏夫亡守節三十年氏動守禮法歲時享

祭極誠敬親黨有急助貸不倦均於雍正七年旌

雍正志

劉應鳳妻李氏耿國鳳母張氏均早寡守節李享壽一百一

十一歲張享壽百歲俱以雍正十一年旌

大清一統志
兼採雍正志

明經李松軒妻王氏夫死自盡以殉

梅成棟津門詩鈔
參金思義詩題註

諸生許蔭基妻胡氏名相端字智珠知府文銓女也工畫能

詩著有抱月軒小律同時知州蘇履吉妹如蘭知縣方維翰

女芬均淑慧以詩名蘇著有紉蕙山房草方著有紅蕊山房

學吟稿

國朝閨
秀正始集

舉人黃夢鶴女兆蘭字景木幼聰慧能詩及笄適清年爲室
年官縣令有文名同時王桂蟾字綠雪汪燕淑字雲浣郭愛
皆以淑慧能詩知名於時

翰林孫士濟女玉樹字芝香幼隨父讀書工文翰其詠黃鶴
樓句云兩峯雲氣連三楚萬里江心聚一樓氣魄雄健爲時
所稱同時諸生蕭廷弼妻孫氏字小英朱瑞增妻徐氏字珊

若皆以能詩稱完顏夫人并選其詩著之集

陳氏女翠翹字秀君浦城尚書祖之望室也聰慧能詩佐夫盡職著有仁月軒詩草傳於世

諸生吳西庚女吳氏

夫名失攷

氏讀書知大義同時有東鄂氏者

故將軍女適中丞雅公族弟未一週而夫亡東鄂投繯以殉

吳氏感其烈爲詩弔之

詩增王孫秀發宗潢胃岷岷失依心負疚蓼莪荼苦鵲鴿悲玉葉林殘墜

遠岫入門新婦嗟未期疾風吹折連理枝鬢雲不截塵青鏡節烈本自將軍性舉家環泣俱驚猜委宛難移識力定仰無堂上親爲夫侍昏朝俛無襁褓兒爲夫保宗祧一身四顧何逼仄一死等若輕鴻毛手持約髮咽復慟白日無光天地痛星沈雨絕無還期夜臺茫茫叫孤鳳史臣再拜述金冊遺徽彤管千秋重

謝堃妾某氏名蘭姬慧而能詩堃官管勾廳有才名著有蘭

言集姬并善集唐句

俱同上

知州方聯聚女蔭華適陽湖趙仁基爲繼室仁基以進士官

安徽知縣薦擢監司卒官南贛道遺孤甚幼囊橐蕭然蔭華
奉喪歸居宜興食貧茹苦教子成立而辛勤不少倦性儉約
隨夫之任十餘年常所御服絮襦綻圻縱橫補釘連綴以十
數非歲時祭祀不服鮮潔遇里鄙貧乏恆周卹之至脫簪珥
弗顧仁基再失耦前室各遺一女撫如所生前女自言喪母
得母失恃弗苦聞者賢之嘗寢疾前女累刲股禱天願減已
算益母壽好讀經史工吟詠兼善繪事所著有雙清閣詩一
卷詞一卷二子熙文官安徽烈文官直隸以文行知名於時
咸謂得之母教云

採訪冊

沈鳳毓妻史氏先世會稽人于歸後伉儷甚篤一夕歸甯感

微疾母命延醫診之及歸夫曰若婦人也烏得見男子且以

告父氏悔失禮遂自經時年三十有三

附烈婦史氏哀辭並序烈婦史氏五姑先

出會稽今爲大興人父容正且死屬其子友義曰吾歲癸亥
生此女憐其孝且淑若必善嫁之友義泣而善視其妹爲相
攸久之乃得同縣沈佶之子毓鳳者以故其嫁後禮期既婚
伉儷相愛敬也乙未秋九月十三日史氏告毓鳳曰今日妾
嫂俞設輓之辰也妾雖抱微疾宜當往毓鳳諾之母金及嫂
聞之迎謂曰若有疾且歸良苦若之姪婿趙某善醫藥請召
之內堂爲若診脉可乎史氏曰諾既診書藥方退曰夕載還
夫家史氏持趙某所書方示毓鳳毓鳳曰若何所診邪史氏
曰妾偕母及嫂在內堂毓鳳曰吾聞婦人出必壅蔽其面若
婦人也烏得見男子史氏默然無所言明日毓鳳又以所語
告於父佶史氏聞之謂其侍嫗曰吾以婦人或失禮致吾夫
告吾翁也吾何生爲嫗駭不察其語又明日史氏謂毓鳳曰
日聞某當移家君其往賀毓鳳以爲然既出史氏呼嫗若攜
兩兒出買餌也嫗與兩兒皆出史氏即閉室自經死時十有
五日也余聞之國語敬姜欲室文伯饗其宗老爲賦綠衣之
三章其察悼子宗不具不繹繹不盡飫則退然則婦人當祭
與饗宗老具在得與男子賦且飫而孔子以爲別於男女之
禮是男女之禮雖至叔嫂不通問者乃以居室無事時言之
也文禮無婦人疾病之交然喪禮具載飲酒食肉疾止復初
乃言男子疾病之禮之變婦人亦宜然者也若是則史氏之
視疾無失禮矣而獨以君舅與夫之有違言至於殺身以明
其志夫是之謂烈昔者唐李白作溧陽貞義女碑曰溧陽黃
山里史氏之里當子胥東奔逼迫昭關告窮此女授之壺漿
全人自沈形與口滅卓絕千古嗟乎何史氏之女卓絕千古

數數也史氏死年三十有三乃爲之哀辭曰 瑟高張兮撫
其絃鳳何選兮凰鳴酸夫人激兮命不延羌父卒兮有言女
余愛兮蘭若蓀君子之歸兮慰吾魂兮泣而識兮標梅翩翩
古及笄嫁兮幾冰泮春載歌灼灼兮歸沈門室之宜兮事覆
翻嫂初生兮小姑聞元月上弦兮歸宜然鬼伯候路兮醫有
神夫人之病兮母與嫂前以禮診兮夫變顏面雍蔽兮柵言
不傳古之語兮百端昧豺狼兮溺不援疾病在喪兮酒肉陳
禮有變兮詈申申君舅曰父兮夫曰天謂余不信兮烏用身
姬貿貿兮耳塞綿兩兒啼飢兮市餌可餐夫出賀屋兮客在
門雉經是則兮烏有文直如絃兮心自捫吾志之潔兮冰斯
寒白露下兮晚團團夫人之殞兮匪缺而完史氏有女兮白
也篇越千載兮磨愈堅詩歌福心兮探湯難夫人有之兮斯
爲賢刻茲詞兮燕山
之源 笥河文集

方履錢繼妻呂氏聰慧能文長駢體所撰法苑珠林序尤爲
時所稱翁聯聚令閩縣以禱雨得疾卒遺夫弟三人均幼呂

撫之有成季駿謚以軍功官靈寶知縣

附呂琴姜重刊法苑珠林序式仰駿迎首

崇調御青蓮煥相之辰紫山寄莊之始髻湧百寶曉照四天
吉祥之瓶廣納赤宙智慧之藥俯接黔毗莫不因妙以立覺
藉寂以探機設教止乎一慈建諸侯其頓悟上行所屆微言
已伸復以三界昏寢六賊攀緣鼠入角而焉通狼守齋而易

毀於是轉意珠之朗揚慈水之瀾吐奧旨以拔迷根積雕談
而摺險樹芬逾簷葡萄夢發優曇雖四十九齡未拈般若之義
而三十二土各示依趣之階無說無聞天花早墮非堅非久
蠟印自傳白馬創剎羽林之使初歸神龜肇年洛陽之求益
備乃使九乘大典西辭乎流沙八梵唄音東簷乎震旦自迦
葉口授之文菩薩淨行之品觀驪龍而豎指逢飢虎以施身
請雨有經移山著論至於辨意長者成貝字之篇善思童子
效琅函之詰成數精業婉迪羣蒙加以前皇黼展喜聞勝因
儒生綺毫樂爲釋用梁帝重雲之講旣耀南區姚氏草堂之
集實隆北學曇柯之所宣譯羅什之所發明彥和燔髮編定
林之經藏小山潔願獲開善之香奩由是梯表繁璫金繩密
約莊情束影之詞啟繆繆開賢之制足以蹀靈飛之綠檢抗聖
籍之丹籤列棟連蔓浮烟散竹語夫博涉從事斯難索彼菁
華僭徒莫憶乃有沙門釋道世者植蹤唐代應詔西明學通
內外誼合教宗擬彌天之道安爲方袍之平叔愍夫負如易
鳴法匠難遭遂乃綜覽義林穴穿奧蹟舉其綱紐明其指歸
闢八藏之鍵絜一裘之頌大乘小乘之別幽顯俱詳語業意
業之關源流可溯如酥就熟億轉不礙如水散泡千沫共見
百篇之目旣析四禪之用皆純若其敬攝旃檀聿宣慧炬日
精入口炫白淨之宮月愛舒光孕青霄之座鐵豬受矢玉象
扶輪獨守心王不離智食富樓那之姓氏標若星躔波頭摩
之劫壽羅於紋掌欲使維衛威神感而卽應尼乾邪計見而
輒摧此則僧祇之本律亦讚述之願海也因以蒨濯塵冥解
脫頑固七珍勤表五濁泛陳以蓮舌爲振鐸以細素爲長桴

汲汲苦言恨恨妻韻逆風蕭蕭得導愈之心行履盡瓶汲
身之念四蛇引於鼻耳二鼠逼於腎腸凡諸怖畏足起信心
倘使鉢露能濡自無酸酷幡雲獲蔭豈遇燭煨敲骨剔髓之
誠濟生非恣掬土雇花之細得報靡窮巨障裂而長空明深
痾蠲而凡劫盡此猶禦寒之設諾拯渴之蘇陀福利之階斯
爲最要至若曲辨情靈富該圖史縟英彬蔚麗篆紛綸事多
集夫佚文語每秀於天拔鵲園異跡香散驚精馬苑餘輝華
飛瓔珞求黃縑於安慧神漢浮來夢白服於曇延夜光照徹
興公銘頌遜此芳塵休文碑狀媿其妍製多聞親授阿難爲
之展輪搃持強記摩詰于焉避席信可以梯航眾品看核橫
書獵藻者珍比青箱饋貧者非徒黑學宜其千禩不刊三教
傳錄者也世所行舊槧本曾經明人竄改妄析爲百二十卷
全與新書藝文志著錄百卷不符以致簡葉違錯章段崩離
字句之間亦多脫誤邪子才之一適非可例觀賈慧遠之五
論難期闡合披卷尋覽能勿慨然清信女士董申林虞山蔣
伯生大令之蓬室也生善女號天仙仙子珉膏飯齒石黛修
蛾悅意馳稱妙音作眷懸金九十日爭譽便娟載車五百九
皆名歡喜琉璃硯匣不犯綺詞迷迭薰蘊潛持密教因披藏
本用勘此書始知萬歷之訛會非憚上之失丹鉛既而緇論
悉明遄發宏心謀資眾悅同時名閨淑儀大善知識咸分華
鬢襄助銀梨共得百人費凡千鑑校讐審察鑲造精嚴以道
光七年春月琴訂訖功福不唐捐美冠諸蘊阿育建塔受夙
世之慈緣瞿夷獻花蓮閣浮之良匹寶髻尊宿之前六門開
示優婆塞夷之侶四諦顯揚竟令住樓半字易旁行倒住之